

孚曰誰爲此謀國之賊也稱大不樂竟勅使去降待制又奪之時政和六年也城北寨禁山多大木百年矣斬伐幾盡中孚請削山浚塹以防不虞未報而罷其後識者追歎之以中大夫龍圖閣待制致仕紹興元年卒於家年八十三子彙與諸孫以雍睦稱

胡金部

胡金部俊字彥恩婺源人父紹幼力學嘉祐中林希爲州考試官紹首薦禮部尚書品天下魁文以

新安志卷七

八

紹爲第一晚爲剡主簿州遣官分檢諸縣早七縣訴所檢不實獨紹所檢山陰無訴者守因盡委復視之新昌尤多大族而紹所蠲例下戶後分檢七人者皆銜替紹益知名俊紹聖中與弟仲同登第累歷中外政和四年通判淡州解有菜園千六百餘畦歲得錢踰二百萬俊以園送公使庫時州縣官頗營園規利河北副將令禁卒賣菜虛賈錢者五十六人北平軍稻田務官以菜錢決責兵士致斷腕會糴便使者沈積中以役事聞詔獎之曰君

子不盡利以遺民不苟得以恩義公儀休身相魯國怒拔園葵孔奮爲姑臧長不欲自潤舊史載之以爲美談汝久踐郎省出倅方州遵條詔之嚴挺潔廉之操能卻園利悉歸有司庶幾古人可勵流俗覆實來上朕用汝嘉於是鞠二人者召俊赴朝終金部郎中

胡司業

胡司業仲字彥時幼穎悟七歲父課二兄偉俊爲莊周夢蝶詩仲亦隨作末云誰能分夢覺真妄兩

新安志卷七

九

悠悠紹興之年十四隨兄游學杭州月試輒先出又數爲之首教官命移案就察之問所用事對如響蘇文忠公爲太守聞之遣鞍馬召與語甚見歎異登第試學官授潁州教授部使者列薦崇寧初召爲太學正進博士數歲遷祕書丞著作佐郎與修神宗日歷及禮書除右正言數月以親嫌改符寶郎遷辟廱司業後二歲責監杭州樓店務繼知無爲軍時巢縣猾民有訴令者率斂錢數百千積藏寘列肆中仲察所訴不實物色之得其積與簿

書具載所以餉吏者按致其罪慰謝令政尚慈恕民繪其象在學校久於名士多所甄引遭喪輒遺藁存者尚二十萬言從弟侃字彥和始名倅登進士乙科嘗仕爲宰去官尋得直竟不復出凡數十年自號柳湖居士恬靜好書晚苦目疾猶使子孫誦而聽之將終自爲誌積官至大夫

黃侍御

黃侍御蔭光字元輝黟縣人少孤刻意於學年十六居太學有聲四試禮部不第縣欲以應八行科

新安志卷七

十

辭不就從使高麗補將仕郎以銓試優等賜進士出身調齊州司理閱獄囚枝蔓者一夕遣數百人通判以爲疑視牘無不當者上其事進秩修職郎政和三年召除太學博士又以薦者賜對改秩除校書郎後爲左司諫以言事忤大臣徙符寶郎七年除侍御史建言常平法壞及乞推陝西監司赴所部燕之禁頒之諸路郊祭百官饗餼用羊數萬屠割烹煎腥羶淋瀝請竝支食錢以稱嚴恭之意北方歸明人李良嗣撰北夷錄平夷書大臣主之

新安志卷七

十一

擢祕書丞蔭光論良嗣犯罪亡命斬於死既安撰平夷等書以干進萬一語泄致生嫌隙又良嗣私問骨肉消息不絕此其心亦未易量自祖宗至今納疆土攜族帳來歸者不過崇以虛名厚以粟祿置散地羈縻之未聞養之華省因列五官以防微爲戒條三省樞密院吏非元豐舊制者其大弊有十革之省費月數萬因請更中外引例破條及無條制直陳乞者令各守成憲又言君尊臣卑剛健者君之德而其道不可屈柔順者臣之常而其分不可抗引洪範威福剛柔之說以爲威福之柄在我和而順我者克之以柔強而弗助者克之以剛用剛克則沈潛之於內所以制姦慝用柔克則發見之於外所以昭忠信先王所以操利勢馭人羣而莫敢撓者以此徽宗令左丞讀其奏於殿中以示大臣知兗州方邵輒至國門求赴堂稟議蔭光奏請重竄之上悅而論曰未嘗敢有人言此者又論崇寧後增置兼局之費有旨令蔡京裁定京乃陽請一切廢罷士論恟恟上疑不可行蔭光言

如禮制局詳議官七員檢討官十有六員製造局文武官三十餘員豈無可裁定稱上意者他日因雨澤愆期奏對言君臣同心相濟朕後可以寅亮變理今師臣蔡京開僭擬之路負委任之意啓跋扈之心太宰鄭居中少宰余深皆依違畏避此所謂天氣下而地氣不應者章入不報京陰中以事移卿寺未拜謫昭州安置宣和二年令自便尋以職方員外郎召未至復主管江州太平觀其謝上表云言之未盡悔也何追四年知處州州經寇攘

新安志卷七

主

汪丞相

汪丞相伯彥字廷俊祁門人崇寧中登第調成安主簿時呂惠卿鎮北京見其文嗟賞數徵主秀郡學用中書侍郎梁子美薦召會子美帥定州辟管機宜文字移大名復從之連三帥十餘年皆留自佐及子美再帥詔繕守備務從宏太子美專倚以辦不數年陪都勢成奏功自宣徽郎至中奉大夫宣和二年召對除開封府司儀營事遷軍器將作少監後擢尚書虞部郎靖康初中外戒嚴工部四司三監長貳諸郎無一人畱者凡備禦之職大率兼之所至皆辦召見獻河北邊防十策剴切當帝意即以付尚書省尋直龍圖閣知相州賜金紫陞對極言當世事帝嘉納謂曰兵起北方士悉求南去卿獨以邊警請行真體國之臣加賜衣馬器賈及賞士金帛至相州大修城壁倣師聚糧申明賞罰軍聲其振冬十月金人陷真定詔移府相州命兼領時太上以康邸出使在磁方虜騎充斥伯彥亟以帛書請王還相州以安人心遣將劉浩帥兵二千衛王翌日躬服縵鞋迎河上王喜謂曰他日

新安志卷七

主

見上當首以京兆薦公閏月王奉檄書開大元帥府以伯彥爲副欲引兵渡河謀所向或請出濬滑或請渡王俞或請趨魏縣言人人殊公獨奮曰非出北門濟子城不可抗論詳明衆莫能奪王喜曰廷俊之言是也議既決或猶欲宿留伯彥以爲承此冰堅不渡萬一春泮大事去矣遂奉王渡而身爲之殿未畢數騎而陷已濟饗人不至乃奉羊羹餅餌以獻時以方馮異王霸遂由大名歷鄆濟達於宋時所將皆烏合屢危賴伯彥調護以免先是

新安志卷七

古

王已渡遣所乘車來迎屬天寒又解所服條褐以賜是月奏爲集英殿修撰明年二月承制拜顯謨閣待制升元帥尋進本閣直學士王卽位南京卽日擢同知樞密院事方披荆棘立朝廷百度草創伯彥夙夜匪躬以贊成大業六月知樞密院事駕幸揚州明年十二月拜尚書左僕射會集彌月求罷未報乘輿南渡乃除觀文殿大學士知洪州自是屢黜後嘗知廣州盜數萬方寇廣東一夕遁紹興九年春以觀文殿學士知宣州召對泣謝上爲

改容翌日拜檢校少傅保信軍節度使賜鞍馬笏帶茶藥畱旬餘燕見錫賚無虛日陛辭至漏下數刻至郡未幾請祠詔特給真俸自始仕在北方至是歸適四十年擁旌節還家上冢會族姻父老爲笑樂時子召嗣知撫州命移本路轉運判官使假侍省十一年以開府儀同三司致仕卒年七十三疾革言不及私輟朝兩日官給葬事錄親屬十一人賜田十頃銀絹各千伯彥資樂易不事邊幅事上接下以誠未嘗一日去書不觀有表章奏議襍

新安志卷七

五

文數十卷中興日歷五卷春秋大義十卷又集三傳本末爲三十卷

程顯學

程顯學邁字進道黟縣人程忠壯公靈洗之後登第爲仁和尉以捕盜改秩知西安縣政彊明競渡者持仗而譁官兵不能禁守以語邁邁遣一吏持判示之曰不卽散與俱來衆驚曰此知縣判也卽散去部使者督諸郡水旱積欠郡因移文督稅之倚閣逃絕者邁曰徽州數年無水旱何積欠也守

不能屈由是佗邑畸零逃絕者皆免考試處州同
縣有太辟七事閱案釋其三眾無異議調知鹽城
縣宰相劉正夫押勅見其名召與語曰往在太學
見君文今爲縣又有美政乃薦之徽宗嘉其對除
提舉江西常平起家不十年棄使車過里里人榮
之民有訟田者二十年不決邁問其牘問訟者年
幾何曰六十六邁曰爾所齋券乃慶厯三年時方
年七歲安得妻財置產訟者歎以爲神曰蚤二十
年遇之可以無訟歲旱募流民浚洪州東湖水患

新安志卷七

去

爲息後入爲戶部侍郎除提舉措置河北路糴使
以辦聞命再任繼除直祕閣中使李彥衡旨宣諭
因語邁西城所田須晨具邁送鐵晨具一車彥大
笑尋褫職罷任太上卽位南京召除左司員外郎
後遷太府卿提點郊祀事務省費十六七因編進
命付史館遷起居郎會建州賊葉濃據城稱兵以
邁爲福建轉運使直龍圖閣按舊給州縣鹽本令
鹽鹽歲有常數用度以足召未至就除集英殿修
撰知福州叛兵楊勅至白沙開有備去建州劇賊

范爲陰窺福州統制李椿爲所敗邁遣約降有日
會謝嚮等奉使募兵遣人誅賊欲自以爲功於是
復叛而所在盜起率萬人建劔汀邵武皆盜區邁
且招且捕所向悉平惟范爲未下乃遣新招降張
毅使守古田責以立功又謹守南劔界移制置使
兵入屯三田范爲由是不敢窺興化漳泉邁度大
將辛企宗及謝嚮等終不能平賊密請王師航海
不五日可至福州庶一戰滅賊章十上不報乃奏
謝嚮連賊企宗玩寇且賊不可赦上感悟命大臣

新安志卷七

七

由海道賊不虞王師至不一日平費不及民乃請
錄死士後給脅從無歸者粟及田廬掩露皆還循
吏撫養畱廣東舶米五萬以寬民賦且乞量畱大
軍得三千人後松溪及汀漳有寇賴以平紹興二
年召進徽猷閣待制知温州黥平陽吏四十人他
縣猾吏以次適去上謂宰相曰程邁温州之政光
絕前後今之吏師也丁父憂後之信州會議復發
運司以邁充使邁以爲祖宗時發運司事權甚重
今屬官纔八員而無辟選之文則任太重權太輕

給緡錢二百萬欲一年有成效三年有蓄積利源太狹責効太速又今二百萬不能當管時百萬所糴固未廣而倉船稍脚之費皆未知所出若責之州縣深懼擾民且謀不審則行不遠責太速則智者不能善其後乃力辭上慰諭之且令增給糴本陞辭又奏曰管唐劉晏兼九使財賦悉歸一至國朝始分爲三臬三司使居內而發運使居外猶相爲表裏今天下財賦益分租庸專於轉運常平專於提舉鹽鐵則有茶鹽司鼓鑄則有坑冶司平準

新安志卷七

六

則有市易司戶部既總之發運獨存其名耳況今中外責此司甚重而視此司甚輕願詔使明知興復之意而行之如祖宗時則臣不敢辭上曰已詔三省除卿襍學士以增重使權會後省繳奏而止乃置司平江府以秋成和糴各因其郡縣爲賈稍增之糴四十餘萬而所費糴本幾半廷臣屢以爲言上輒止之尋權知府事又言今糴本尚二百餘萬得可糴五六十萬石而一司官吏與將來漕運所費比民間賈又增什四五則糴買終無補於國

虛費用度乃罷就除知鎮江府兼沿江安撫使軍興後爲一新官府陶瓦貸民因興修學校鄣陽歲饑湖多盜上憂之進徵猷閣直學士知饒州奏蠲舟車征算增米賈以招商賈不踰月米大至又手條寬恤三十餘事揭於州門民以寧息徙溫州至適火後爲營官舍十區開河渠立望樓結火保更爲新學多士總勸詔書褒諭轉左中奉大夫進顯謨閣直學士再知福州州有舊招安賊首等一百餘人以使臣稟薦廩之郡人常側目會戍兵還朝

新安志卷七

九

因盡遣歸樞密院聽差使尋罷奉祠紹興十五年正月卒年七十八有漫浪編五卷奏議表啓三十卷詩二百餘篇姪孫叔達今宗正少卿太子左庶子

凌待制

凌待制唐佐字公弼休寧人登元符進士第授大名府司戶帥梁子美甚器重之就徙夏津縣令河北有疑獄繫者二百人歷十三年十置獄唐佐往決之得其情人皆感泣夏津是歲旱比還雨隨至

時號縣令雨獄上進秩二等召爲勅令所詳定官遷光祿寺正丞歷京畿江東常平後知登聞檢院嘗語侵王黼請祠得南京鴻慶宮翰林承旨鄭三益薦才堪大用上曰非美髯髯聞於進止者乎即日除開封府司錄府尹罷連坐謫衡州酒稅後知嚴州號令不煩暇日與諸生講學作易傳數萬言進之以部使者劾罷唐佐警敏事親盡禮好周給親族建炎初起提點京畿刑獄時道路方梗或勸緩進慷慨遂行進直徽猷閣京畿寇益充斥與戰

新安志卷七

三

數十合殺傷過當三年除知應天府虜騎數十萬圍城中兵少糧乏外無援誓以死守及陷被執虜欲降之指頸曰此可斷不可降也皆義之劉豫欲汙以樞轄不從雷使守應天繼得豫虛實密以蠟書奏朝廷事泄豫捕致大梁怒曰何爲見賣唐佐曰國家何負於爾而反面事虜一世皆欲殺爾何獨我也豫猶惜其才繫累日度終不可屈遂引出害之臨死曰恨不見臯劉豫之首豫羈其妻子於潁昌時紹興二年也明年諸將復潁昌妻田氏

以唐佐死狀開詔贈待制已而潁昌復陷不復知其家存亡又有盧諫議臣忠字信仲黟縣人登政和中第建炎初由臨安府司理召累遷右正言上驟欲用之命相者視之曰有膺而無背官不過此矣後危駕至建康虜騎有逼近御舟者臣忠叱之勢益迫潛水中後數日上求臣忠所在左右記其處以對使沒取之拱立如生賜水銀以斂贈諫議大夫與雨子官

汪內翰

新安志卷七

主

汪內翰藻字彥章婺源人自曾祖以下三世第進士藻幼學精博好春秋左氏及漢書思以文顯當世登崇寧二年第瓊林宴中席頒冰狀元霍端友屬使表謝授簡立成一坐驚歎後爲江西提學司屬官徐俯以前輩文章擅名見其詩於僧壁曰我輩人也率洪炎洪芻往訪之還除九域圖志所編修官歷校書著作佐郎符寶郎故相王黼以太學同舍不相中比當國絀通判宣州梁師成方用事薦人多至大官時號隱相聞藻罷使其客吳可通

誠款曰服公名舊矣幸過我禁從可立得藻不徒或勸之笑曰若欲使我與可等伍邪到宣州未幾請祠凡八年終黼之世欽宗即位召歷屯田禮部郎太常少卿起居舍人太上時爲中書舍人賜三品服坐試潭州進士何烈失當罷爲集英殿修撰領外祠明年復召爲舍人權給事中兵部侍郎兼侍講直學士院國步方艱一時詔命典冊皆出其手能道上意所欲時以比陸宣公又因事傳古道麗精切世爭傳誦嘗草賜高麗詔上顧輔臣稱其

新安志卷七

三

得代言之體拜翰林學士以所御白團扇書唐杜甫詩紫詰仍兼綰黃麻似六經十字以賜嘗陳所以待諸大將者三事後卒用其策又請續元符以來至建炎改元日歷因命兼領時中外新定乃蒐訪缺文稽采衆論爲力甚多尋除龍圖閣直學士出知湖州領日歷如故爲顏魯公請廟號取所籍朱勔窗戶盡以爲廟飾戶部和糴米六萬糴四萬而上書自劾詔不問歲餘復降本錢糴數萬適歲稔物估相當以辦聞進一官亦不受移撫州繼提

點江州太平觀翰林學士范冲以爲藻所募日歷經涉歲月稍見功緒一旦中輟懼積久散逸後人益難措手可因其間使仍舊纂集從之詔許辟官屬二人賜史館修撰餐錢辭不受上其書凡八百帙遣使賜茶藥進官中大夫除顯謨閣學士知徽州以從官典鄉郡人以爲榮移泉州三衙大校閱禁軍伉健者便州具資糧遣送藻以爲州並海宜宿兵備非常雷不遠且馳驛聞大校怒至以語侵之免符卒下徙知宣州改鎮江府府經亂後歲輸

新安志卷七

重

上供米不如數轉運使閱庾中見米盡封之猶負數萬軍無以食至則破鑄給之以聞始藻坐王黼放出至是言者猶以爲黼黨罷之繼落職永州居住閱七八歲卒年七十六後二年詔復職且官其二子及徽宗實錄成用藻所著爲多贈端明殿學士性樂易不飾名譽居官矯狀不侵前後典六州多惠利好大小篆有文集行於世又有裔夷謀夏錄青唐錄各三卷古今雅俗字四十四篇

胡待制

胡待制舜陟字汝明績溪人建炎初以殿中侍御史彈宰相出知廬州淮西寇盜充斥舜陟治守備增築東西水門首招降劉文舜兵萬餘因以爲用時孔彥舟白彥中丁進李勝皆以巨盜合從光新壽久被圍命文舜及其將破之解三州之圍張遇自濠州奄至梁縣舜陟使毀竹里橋伏兵河西伺賊半濟擊之劉正彥受命討丁進至則須兵舜陟已先遣文舜破進因拒正彥不與正彥留屯不肯去驛聞於朝舜陟亦劾正彥逗撓時正彥有異志

新安志卷七

雷

而患兵少舜陟卒不與孫琦兵抵城下舜陟城守拒之索糧不答而時出兵擊其抄掠者琦宵遁邀擊得其輜重板將范瓊破壽春焚掠聲搖淮浙移書遣五騎責錢帛給軍叱斬其四雷一騎還報又檄諸郡勿與糧瓊遂由光斬絕江而南時淮西八州唯廬按堵民繪其象于教弩臺移知建康府四年六月以徽猷閣待制知臨安府紹興中復知廬州先是舜陟去後州遭殘破守武臣責官通在民者數萬甚急又托贍卒令市販輸金至則蠲罷之

潰卒王全請以其眾隸麾下招集流散官爲築室資農種食秋登乃償奏官包孝肅曾孫毫賊有揚兵欲南渡者持重不爲動後知廣州有功弟舜申舜舉子仰最顯

汪少卿

汪少卿叔詹字至道歙縣人少敏於爲文先是治平後四十年縣無洩科者至崇寧中叔詹與同縣二人登第未幾從弟希旦繼之叔詹言論忼慨嘗權蕪湖縣發運使盧宗源請堤丹揚湖爲田方大

新安志卷七

重

興役叔詹以爲不可成宗原抵以格詔叔詹至京師上封引唐李白詩湖與元氣連風波浩難止爲驗徽宗閱之即日罷役擢提舉潭川路常平究鹽井利病奏捐虛額及免逋欠者甚多比還樞密李綱引爲編修官太上卽位南京命權太常博士充徽幣官儀注多所草定從至揚州議遂駐蹕叔詹以揚州無險固不若且駐金陵徐圖興復因近親士儂白計時詔自中出宰相難之後卒不可守紹興中知鄂州提點湖南刑獄有惠愛以司晨少卿

總領湖廣荊襄江西六路財賦餉武昌軍凡八年無闕事卒年八十一子若海字東叟十八游太學靖康初國步方艱太上以康邸出在相州中外隔絕若海夜自京城縋及王於濟州備言京城事詞證激烈一日至三訪問賜衣服巾履補修職郎充帳前參使從至南京改承奉郎嘗招諭節制江夏軍馬李允文輩乃爲劉錡請師以勞數增秩後以朝散大夫知道州陞辭上問卿久不見向安在除直祕閣改知江州訓詞有朕起兵時主簿之語其

新安志卷七

五

卷異如此希旦字周佐宣和初自虞部郎出知泗州王師東南下衆數萬糗糧驛傳畢給進秩除直祕閣尋賜金紫再任後知袁州方軍興繕治城池新土軍之妄言徵求者代還江西列城多失守袁獨全父老爲立祠紹興中知舒州造瓦貸民以易苦蓋并給耕牛江浙流民多至者終朝請大夫後有將作監丞若容正夫祕書丞若思行夫於叔摩爲從子紹興中兄弟相繼登第若容少苦學性端方吏愛諸弟當之官母或未欲往輒盡留婦子使

娛侍由通判洪州召對稱旨除將作監丞若思明悟有餘歷仕多爲達官所知乾道中由國子監主簿入館嘗因奏對上以爲淡得愛君之義而若容子洪世其科

胡殿院

胡殿院汝明字傳道黟縣人其先育爲晉新安太守因亂家爲明星仕梁天監中爲太常卿汝明資樂易不事矜飾至議論有未安必反覆求是登第歷南康軍教授無爲軍士曹改秩後除宗正寺主

新安志卷七

五

簿建炎初召以憂不行後通判鄂州幹辦行在糧料院賜對上稱其老成權監察御史不數日除殿中近例所未有時邊事粗息建言乞經營太學作新人才以備中興官使明年立太學又言頃來賞厚而罰輕官吏爲姦者無所懲銷錢爲器及散出外域者宜申其禁乞罷州郡添差酒稅兵官及外臺緝捕主管官部使者庇姦賊致臺諫論劾者使與連坐或有贖買給費科配之類戒吏毋得暗增虛數緩新田之賦事多見從時新開米芾書帖

賜從臣詔特以賜出知饒州後致仕累歲卒年七十七

先君尚書

先君尚書諱汝楫字彥濟姓羅氏歙縣人冠歲首鄉貢在辟雖以文爲司業胡仲博士毛友所知數實優等登政和二年第爲郴州教授眉山唐庚過郴賞其詩練永爲提學視事半歲按部且及境猶未通姓名朕永至卽論薦歷州縣不求人知數與上官爭事建炎初及紹興二年兩嘗召審察尋補

新安志卷七

貢

外八年七月召監登聞鼓院除大理寺丞刑部員外郎及對請令命官犯公罪勿取特旨以終惠臣子又戶口彫耗宜少寬養子之禁太上稱善是日拜監察御史後二十餘日遷殿中侍御史論淮南不可棄置度外宜增其備調武人爲守選帥守領浙西防海之寄置都統以護湖北諸屯趣劉光世出援劉錡及錡立功爲請更戍以休其衆間諜言多不同請西府擇謹信者總之革竄名賞藉人以勸立功者江西福建廣南憲臣請使通治羣盜折

帛匹八千估太高乞願輸本色者聽州郡被災傷尤甚及盜賊未息者不宜用田業一與率錢供軍禁浙東以積穀收物力錢者還餘民田增置爲牧地者五千畝遷起居郎兼侍講上問或謂春秋有貶無褒此諛是否對曰春秋上法天道春秋殺若貶而不褒則天道不具矣上嘗曰自王安石廢春秋學聖人之旨寢不明近日得其要者唯胡安國及卿耳嘗以當轉朝請郎爲先大父乞五品服及侍經幄上數問卿父比日安好否輒奏起居

新安志卷七

元

飲食狀上常悅論列權倖多所裁抑又言職事官補外廟堂多超越除授請罷監當資序人除郡守知縣資序人除監司未至官者遷御史中丞兼侍讀首請戒中外謹守祖宗成法會編次續降指揮公言難難以來一時申請多失列聖仁恕之意宜痛刪其不合者馬院官占富陽沙田爲牧地馬不至而民代輸如故因闢有死者公坐臺得其事卽入奏請還其地與民上竟開納始趙丞相罷所援引例貶彈者方未已公爲副端獨奏言和議之初

縉紳所見不能皆同王庶等已黜不足漢罪所任全甚衆及是爲臺長時執政多由此遞遷會宰相又與執政不叶欲去之公方數求出舊例中丞侍御史不竝置乃除一侍御史已而公遷吏部尚書繼充國信使還申前請降詔不允請益力除龍圖閣學士知嚴州紹興十四年也公時年五十六秩滿請祠以歸父子白首相娛自是不復出凡提點江州太平興國宮連四任二十六年遭先大父憂未終喪薨年七十先是公嘗閉閣爲一書手封以

新安志卷七

手

授先夫人曰異日付諸子以聞後十日發書乃遺表其首曰父母之體生則有終君臣之情死而不易讀者壯之累贈開府儀同三司公體貌秀偉音如鍾上嘗謂其南人似北少自植立不交流俗與人言不彊相取下燕居率正衣危坐入朝七年雖不至大位而以全名始終有東山藁葬議外制數十卷

朱吏部

朱吏部松字喬年婺源人景祐擢進士第調政和

尉用內翰蔡密禮薦召充祕書省正字母憂服闋爲校書郎兼著作佐郎歷度支司勳吏部郎中出知饒州行狀未出有子熹字元晦登第後一仕爲同安主簿讀書求志嘗召不赴乾道中召對除武學博士未至請祠監潭州南嶽廟後除樞密院編修官不就淳熙初詔以熹安貧樂道廉退可嘉改秩領祠觀四方學者推尊之

汪樞密

汪樞密勅字彥及黟縣人年十八首鄉薦後登紹

新安志卷七

圭

興二年第調嚴州建德主簿爲人渾厚不妄言同列以誠長者待之不知其長於吏道也中書舍人董弅時爲守勅見爲言願得一二事取所不能處者得爲裁決之弅擇委數事所處決皆出意表由是漢相敬異紹興十三年除太常簿入臺爲檢法歷三院御史右諫議大夫兼侍講遷御史中丞十七年除簽書樞密院兼權參知政事居二歲數上章求出以端明殿學士再領外祠凡六年後起知湖州爲政安靜不尚散朴未嘗妄費公家一錢民

間至鐵木爲語家揭一本實坐隅曰賢哲太守福壽千秋天子嘉之詔進秩三等既還居專以教訓子孫收卹鄉里爲務歲新陳未接必捐貲出穀易近數郡賴之晚節子孫皆以文藝擅名場屋子太常寺主簿作礪凡五上禮部而孫義榮義端同時登第義端爲進士第三人說者美之後有旨復龍圖閣學士會卒詔追復年八十四

金尚書

金尚書安節字彥亨休寧人其先唐末自京兆徙

新安志卷七

七

幼穎悟強記登宣和六年第調洪州新建主簿期歲而薦章七上秩滿范丞相引爲刪定官當紹興初法令散逸凡專司法皆安節所修次書成會廣中得舊本上之畧同舊例改秩後率還安節獨滯故官後謝祖信遷寺丞見宰相曰金刪定改官在衆人之前以不事請謁無爲言者祖信不敢先之任滿還家明年召見對稱旨太上皇曰金安節好士人若益涵養有用之才也除司農丞七年五月擢監察御史建言比年棟橈者皆由自用其智無

以揆天下之務空衆建大臣使均任其責尋遷殿中侍御史秦丞相再用方得君進其兄梓知台州連章論其超躐竟罷之尋以急告去朝坐是閒廢十有八年家貧祠祿不給處之自如故相死起知嚴州提點浙西刑獄入爲大理宗正少卿在卿寺凡四年有言其獨立無援者上曰朕亦知之遷禮部侍郎謝日面諭曰卿久合作從官繼兼侍讀連給事中今上卽位詔給廷臣筆札條當今弊事安節條奏有成法者空不得輒請用例嚴僥求內降

新安志卷七

七

之律及請稽寶元詔旨詳校入內侍省御藥院內東門司凡百支費堂除差遣當稍省歸吏部并許官長辟除益清中書之務蔭補文武宜各依本色毋令專求文質妨右武之義在職封駁甚多其在太上朝封還殿院杜革老出守之命至是論潛邸恩除閑職者尤爲切至兩朝皆優容之後拜兵部侍郎數月求去得請給事中胡銓援韓愈畱孔戣及近例繳奏上從之隆興二年正月遷吏部侍郎尋權尚書告老益力詔以敷文閣學士轉一官

致仕賜對衣金帶鞍馬時去郊祀總數月特許奏薦不降等陞辭面賜金魚去都多歎美者太學生百餘人伏闕三上書乞召用乾道六年卒年七十有七安節爲人樂易恬退遇人有禮在朝則衍衍正色親喪不入私室與兄相友愛後以不降等恩奏其孤素不問家事誦書或至夜分後進爲立祠於縣學

新安志卷七

書

新安志卷第七終

新安志卷第八

欽羅願撰

敘進士題名

國家懲五季之餘學校不修招選道缺悍夫庸卒攘臂而議於世於是藝祖受命首幸太學思用儒相以風厲天下列聖繼之闢館閣崇科目君臣拱挹論說唐虞先是學者患書籍散佚乃卽師弟子所聚曰書院者賜以九經并釋文之屬又詔齊七經疏義并三史於杭州摹傳之而後家始有書開天章閣召政事之臣議興太平而後羣始有學置

新安志卷八

一

師弟子員或卽用其郡之人使爲教授而後士始有師又下湖學 取安定先生條約施之

太學著爲令而後學始有法承平旣久豪傑命世之士興於其閒以通經學古救時行道者倡率之道揆明於上儒俗成於下則士益思顯於世朕設科賜第列聖所重太平興國中鎖聽人有顏明遠劉昌言張觀樂史上惜科第不與止授掌書記又五歲至雍熙二年始令樂史附第一等是以預其選者爲世歌美賢者欲行其義而中人樂就其名

以至於今方來者益眾世之說者見其如此以爲天下之士捨此固無所用其身不知其始之勸獎成就百年必世如此之難也新安自國初貢士之數蓋少至嘉祐裕饒詔增歛饒州共四人而亦不顯海州所貢之數狀異時四方士俗爵位相先游學在外者往往卽貫其籍以試如洪湛以江寧呂溱以揚州之類是也崇寧行三舍法貢七人宣和五年復進士科以十人爲額紹興二十六年詔罷西北流寓試併入土著視解額最少處參以前楊

新安志卷八

二

終場人數率百人解一人而郡終場者千一百有十八人於是稍增解額爲十二人而近歲士益多母慮二十人云自乾符二年有制科天聖中設武科郡亦頗有其人又有銓試優等獻頌賜第樂成褐及以獻策賜官之屬其累貢不第者又有持名進士前後皆題其名立之學更三賢守黃公注公洪公遜爲次續之自紹興二年以後官左右道衙則特奏名進士始不列不可復得輒所載更訂之附於志

太平興國五年蘇易簡榜前二十三名並通判賜宴迎春苑

張秉歙第二人 樞密直學士禮部侍郎 謝泌歙 右諫議大夫

雍熙二年梁顥榜初得梁顥以下百七十九人後三日再放洪湛以下七十六人湛文采過麗特升第三人

洪湛休寧比部員外郎從孫中孚

端拱元年程宿榜

查道休寧第十一人咸平四年式賢良方正能直言極諫科第一人待制

二年陳堯叟榜賜御製

舒雄歙 正郎 李照

俞獻可歙龍圖閣待制弟獻卿子希甫希玉從孫師錫曾孫正國

新安志卷八

三

淳化三年孫何榜印賜儒行篇

查拱之休寧 許南史歙 正郎 轉運使

咸平二年孫暨榜

俞獻卿刑部侍郎子希元希旦孫叔良 呂士元歙明經泰州隴城令子淵漆

三年陳堯咨榜

聶致堯歙贈禮部尚書子冠卿世卿孫武仲曾孫備矩

方仲詢 程賓王

景德二年李迪榜前三名用一節呵導餘人雙控馬普通常奉官致馬側立特奏名五舉以上及曾經御試六十

二人賜同進士出身

閔惟慶

歙屯田員外郎子從周曾孫師文

洪融

特奏名兵部郎中試賜第

大中祥符元年姚璿楊

延賜袍賜

方溥

方仲弓

五年徐爽楊

官給印紙起草年暮印御賜賜之

俞希甫

和州推官

蕭冠卿

翰林侍講學士

許俞

知太治縣按孝行錄祥符七年登第而進士登科記無之似是明經也

天禧三年王整楊

汪震

婺源同封郎中子宗顏孫穀曾孫漢元孫德六世孫鴻舉

魏平仲

新安志卷八

四

天聖五年王堯臣楊

閔從周

歙都官郎中孫師文

聶世卿

太常少卿

呂淵

弟漆

丘濬

中丞

八年王拱辰楊

馬大舉為自後與中唐開賜

孫扶

野

孫揆

野都官員外郎

景祐元年張唐卿楊

喻琳

績溪縣姓葛職方員外郎

曹矩

休寧都官郎中

奚舜卿

野

俞希元

張食

寶元元年呂濬楊

第一人將作監丞

呂濬

禮部侍郎

孫抗

影甲科工部郎中廣西轉運使子適通選孫

汪信臣

婺源

汪澄

婺源

程珪

特奏名

程說

特奏名

馮式

都門員外郎

張蒼舒

婺源朝請郎

慶厯二年楊寅楊

孫挺

野太常博士

胡遇

汪宗顏

都官員外郎贈中大夫子穀孫漢曾孫德元孫鴻舉

新安志卷八

五

董安

六年賈黯楊

孫適

汪師道

婺源職方員外郎孫儀

皇祐元年馮京楊

舒介夫

野著作郎

二年

許元

以發遣使攝職特賜出身

五年鄭解楊

聶武仲

野校尉

王汝舟

婺源朝議大夫夔州路提刑

胡宏 績溪縣人

汪穀 東陽縣人

汪師熊 婺源人

嘉祐二年章衡楊 先達題名碑汪侯下有孫迪按孫抗之子迪在熙寧三年葉祖洽楊中此楊孫迪自邵武人

王淑 績溪人

胡彭年 婺源人

汪汲 績溪縣人

四年劉輝楊

俞叔良 甲科壽春尉

六年王俊民楊

俞希旦 朝議大夫贈金紫光祿大夫

新安志卷八

六

治平二年彭汝礪楊

張逢 婺源人

四年許安世楊

俞師錫 朝議大夫

汪適正 婺源人

熙寧三年葉祖洽楊

孫遇

孫迪

汪茂 婺源人

六年余中楊

孫冲 婺源人

汪鴻 祁門人

陳縯 特奏名

九年徐鐸楊 賜官錢印小錄

舒升中 婺源人

元豐二年時彥楊

方劭 婺源人

洪中孚 休寧縣人

江霖 婺源人

五年黃裳楊

程書言 祁門人

新安志卷八

七

胡鉉 婺源人

俞易直 歙縣人

鮑天一

八年焦蹈楊

舒彥中 婺源人

俞應之 婺源人

吳鑑 婺源人

孫遜 婺源人

奚羣 婺源人

鄧醇 婺源人

奚紳 婺源人

曹暉 婺源人

元祐三年李常寧楊

金天受 休寧人